

6. gr.

Höfuðstól sjóðsins má aldrei skerða. Hann skal ávaxtast þar sem sjóðsstjórn telur heppilegast og tryggast. Úthlutun úr sjóðnum má nema vaxtatekjum hans hverju sinni, svo og árlegu framlagi Borgarneshrepps.

Sjóðsstjórnin hefur heimild til að leggja vexti og framlag Borgarneshrepps til höfuðstóls einstök ár, einnig geyma til síðari ára, til úthlutunar þá, nokkurn hluta eða allt, sem kemur til úthlutunar ár hvert.

7. gr.

Stjórn sjóðsins skipa fimm menn og fimm til vara, sem eru kosnir hlutfallskosningu af hreppsnefnd Borgarness til fjögurra ára, að afloknum sveitarstjórnarkosningum.

Stjórnin kys sér formann og ritara úr sínum hópi.

8. gr.

Stjórn sjóðsins heldur gjörðabók fyrir sjóðinn. Í hana færir hún meðal annars skipulagsskrá þessa. Einnig árlega reikninga sjóðsins, ennfremur umsóknir um styrk og hverjum styrkur er veittur hverju sinni.

9. gr.

Reikningar sjóðsins skulu endurskoðaðir af endurskoðendum Borgarneshrepps og þeir birtir ásamt reikningum hreppsins.

10. gr.

Leitað skal staðfestingar forseta Íslands á skipulagsskrá þessari, og hún síðan birt í B-deild Stjórnartíðinda.

REGLUGERÐ**um loðnuveiðar á vetrarvertíð 1980.**

1. gr.

Á vetrarvertíð 1980 eru loðnuveiðar bannaðar öllum þeim sem ekki hafa þar til sérstök leyfi ráðuneytisins. Slík leyfi munu fá einungis þau skip sem loðnuveiðar stunduðu á sumar- og haustvertíð 1979 svo og þau loðnuskip sem voru í smíðum eða breytingum á þeim tíma.

2. gr.

Loðnuvertíðin skal hefjast kl. 12.00 á hádegi 8. janúar 1980. Frá þeim tíma og þar til loðnan er orðin hæf til frystingar eða hrognatöku, að dómi ráðuneytisins, skal heimilt að veiða 100 þúsund lestir loðnu. Ráðuneytið getur aukið við þetta aflahámark eða stöðvað veiðarnar með 2ja daga fyrirvara með tilkynningum í útvarpi og orðsendingu til loðnubáta um strandstöðvar Landssímans.

3. gr.

Eftir að loðnan er, að dómi ráðuneytisins, orðin hæf til frystingar og hrognatöku, skal heimilt að hefja sérstakar loðnuveiðar í þessu skyni og getur ráðuneytið

tilkynnt upphafsdag þessara veiða með eins sólarhrings fyrirvara. Þessu aflamagni skal skipt milli veiðileyfishafa þannig að öll skipin fái jafnan grunnkvóta og hvert þeirra auk þess magn sem nemur tilteknu margfeldi þess aflamagns, sem viðkomandi skip hefur mest komið með að landi í einstakri veiðiferð. Ráðuneytið mun tilkynna áður en þessar veiðar hefjast hvert heildaraflamagnið skuli vera og hver verði veiðikvóti hvers einstaks skips samkvæmt ofangreindri reglu.

4. gr.

Með mál, sem rísa út af brotum á reglugerð þessari skal farið að hætti opinberra mála og varða brot viðurlögum samkvæmt ákvæðum laga nr. 81 31. maí 1976, um veiðar í fiskveiðilandhelgi Íslands.

5. gr.

Reglugerð þessi er sett samkvæmt lögum nr. 81 31. maí 1976, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytið, 27. desember 1979.

Kjartan Jóhannsson.

Þórður Ásgeirsson.

REGLUGERÐ

um skoðunargjald ökutækja.

1. gr.

Fyrir skoðun bifreiðar eða bifhjóls ber eiganda að greiða 3 500 króna árlegt gjald til lögreglustjóra (í Reykjavík tollstjóra), þar sem bifreiðin eða bifhjólið er skráð. Gjald þetta greiðist fyrir fram, og er gjalddagi þess 1. janúar, en eindagi 1. apríl. Eigi skal framkvæma skoðun bifreiðar eða bifhjóls nema sönnur séu færðar á að skoðunargjald hafi verið greitt fyrir viðkomandi gjaldár.

2. gr.

Fyrir skoðun léttra bifhjóla, sbr. 3. gr. reglugerðar nr. 98 22. maí 1970, skal greiða 1 400 krónur í skoðunargjald.

3. gr.

Reglugerð þessi, sem sett er samkvæmt heimild í 22. gr. umferðarlaga nr. 40 23. apríl 1968, öðlast gildi 1. janúar 1980.

Jafnframt fellur úr gildi reglugerð nr. 441 29. desember 1978 um skoðunargjald ökutækja.

Dóms- og kirkjumálaráðuneytið, 31. desember 1979.

Vilmundur Gylfason.

Ólafur W. Stefánsson.